



Fôring av sau og lam



Fôring av sau

Livskraftige lam med god fødselsvekt og søyer med mykje opp-lagsnæring å mjølke av etter lamming er målet med god vinter-fôring. Alderen på sôya, holdet ho er i, talet på foster, og om ho er i låg- eller høgdrektigheits- eller mjølkeperioden avgjer fôringa. Søyer med likt fôrbehov bør difor bli sett i same bingen og førা saman. Her finn du opplysningar fôrbehov og sannsynleg grovfôropptak for sau gjennom vinteren. Du finn også tips og råd om praktisk fôring og holdvurdering av sau som er fasiten på om du fôrar rett. Vil du veta meir om fôring av sau; besøk medlemsportalen til Nortura. Her har sau sine eigne heimesider med mykje godt fagstoff <http://medlem.nortura.no/smaafe/>. Du kan også kontakte rådgjevarane til Nortura.


Gruppering

Grunnlaget for rett innefôring er at saueflokkene er rett gruppert. Søyene må minimum bli grupperte etter alder i tre grupper:

- Åringar
- To-åringar
- Vaksne søyer

Dette er viktig fordi dei ulike sôyegruppene har ulikt fôrbehov, ulik kapasitet til å ta for og ulik etehastigkeit. Dette krev ulik mengde kraftfôr pr dag. Yngre søyer blir difor taparar i konkurransen om grovfôret dersom dei må gå saman med eldre søyene. Dersom tilhøva ligg til rette for det, bør også vaksne søyene i dårleg hold få ein binga for seg sjølv eller bli sett saman med 2-åringane.

Det er mogleg å bestille fostertelling på sau. For å få full utnytting av fostertellinga, bør også søyene ideelt bli gruppert etter talet på foster slik:



Søyene må grupperast etter alder og hold pga ulik fôrbehov og etehastigkeit

Kor mange grupper det er mogleg å få til i praksis, avheng sjølvsgaft av kor mange bingar og forbrett ein har i sauefjøset.

Energibehov til ulike grupper

Drektigheitstida deler vi inn to periodar:

1. Lågdrektigkeitperioden er tida frå paring og fram til åtte veker før lamming
2. Høgdrektigheitsperioden er dei siste 8 vekene før lamming

Energibehovet til sau måler vi i FEm (Fôreining mjølk). Energibehovet til ulike grupper søyene i lågdrektigheitsperioden er fylgjande:

Tabell 1 Dagleg energibehov til ulike grupper sau i lågdrektigheitsperioden (Norsk kvit sau)

Gruppe sau	Vedlikehald	Tilvekst / haldoppbygging *	Sum
1-åringar	0,6 Fem	0,4 FEm	1,0 FEm
2-åringar	0,8 Fem	0,2 FEm	1,0 FEm
Vaksne dårleg hold	0,9 Fem	0,4 FEm	1,3 FEm
Vaksne i normalt hold	0,9 Fem		0,9 FEm

* Fôrbehovet til 1 kg tilvekst varierer frå 2,5-3 FEm hjå dyr frå til 1 år, til 3-5 FEm for eldre dyr. For eldre søyene er det stort sett snakk om feitt-tilvekst og dette er energikrevjande.

Vi ser at alle grupper dyr har eit energibehov tilsvarende ca 1 FEm pr dag.

I høgdrektigheitsperioden byrjar fosterveksten verkeleg å krevje

energi frå sôya. 70 % av fosterveksten går føre seg i denne perioden. Tabell 2 syner energibehovet til fostervekst. Dette må vi ta omsyn til i fôringa dersom ikkje sôya skal tape all opplags-næringsa før lamming.

Tabell 2: Energibehov til fosterproduksjon i FEm pr dag ved ulik kullstorleik *)

Kullstorleik	Fødselsvekt pr lam, kg	Veker før lamming	8-7	6-5	4-3	2-1
1	5-6	0,1	0,2	0,3	0,4	0,4
2	5-6	0,2	0,3	0,6	0,8	
3	4-5	0,3	0,4	0,8	1,0	

*) I tillegg kjem sjølvsgaft vedlikehaldsbehovet



Høgdrektige sører med mange foster

Tabell 3: Kg fôr pr FEm av ulike fôrslag

Grovfôrslag	Haustetidspunkt *)		
	Tidleg	Middels	Seint
Surfôr 1. slått direktehausta 18-22 % tørrstoff	5,8	5,9	6,3
Surfôr 1. slått litt fortørka 30 % tørrstoff	3,5	4	4,7
Surfôr 1. slått middels fortørka 45 % tørrstoff	2,4	2,7	3,2
Låvetørka høy 1. slått	1,4	1,5	1,8
Bakketørka høy 1.slått	1,5	1,6	1,9

*) Tidleg = 1-2 veker før skyting Middels = Skyting Seint = Blomstring

Fleire faktorar verkar inn på grovfôropptaket til sauene, men det viktigaste er sjølv sagt kvaliteten på grovfôret. Tidleg hausting, god gjæringskvalitet, kutting og høg tørrstoff % i surfôret vil verke positivt på fôropptaket. Ein bør difor ta seg tid til å vega grovfôret ein gong iblant for å få eit bilet på kor mykje fôr sauene et. Ei variert fôring med fleire grovfôrslag er også positivt. Dersom ein i

tillegg sender inn ei fôrprøve til grovfôranalyse, vil ein ha eit godt utgangspunkt for å vurdere grovfôropptaket til sauene.

Dersom dette er vanskeleg å få til, kan ein ta utgangspunkt i tabell 4 som syner sannsynleg grovfôropptak i drektigheitsperioden for ulike grupper av dyr og grovfôrkvalitet:

Tabell 4: Sannsynleg grovfôropptak i FEm for ulike grupper av dyr ved ulik grovfôrkvalitet før lamming

Dyregruppe	Haustetidspunkt		
	1-2 veker før full skyting	Full skyting	Blomstring
1-åringar	0,8	0,6	0,4
2-åringar	1,2	0,7	0,5
Vaksne	1,3	1,0	0,6

Ved å bruke desse tabellane kan ein rekne ut kraftfôrbehovet til sauene i ulike perioder.

Eksempel:

I siloen ligg eit grovfôr som er hausta ved full skyting og som du vurderer til å vera av middels kvalitet. Ei vaksen sôye vil da kunne ta opp 1,0 FEm av dette surfôret. Du ynskjer å føre slik at søyene går noko opp i hold, og fôrbehovet blir difor sett til 1,3 FEm/dag.

Fôrbehov: = 1,3 FEm

- Grovfôropptak: = 1,0 FEm

= Kraftfôrbehov = 0,3 FEm

Etter fostertelling får du melding om at sôya går med trillingar. Fôrplan fram mot lamming blir som synt i tabell 5.



Haustetidspunktet er viktig for fôropptaket når søyene får grovfôret etter appetitt

Tabell 5 Fôrplan fram mot lamming for ei trillingsøye som får medels tidleg hausta grovfôr

	8-6 veker før lamming	6-5 veker før lamming	4-3 veker før lamming	2-1 veker før lamming
Fôrbehov	1,2 FEm	1,3 FEm	1,7 FEm	1,9 FEm
- fôropptak	1,0 FEm	1,0 FEm	1,0 FEm	1,0 FEm
Kraftfôrbehov	0,2 FEm	0,3 FEm	0,7 FEm	0,9 FEm

Ved å fylgje ein slik fôrplan, vil ein unngå at sôya brukar av opplags-næringer til fosterproduksjon, og lamma vil få god fødselsvekt. Dersom ein ikkje har gjennomført fostertelling, bør ein bruke holdvurdering (sjå eigen sak) som styringsverktøy når ein skal trappe opp fôringa før lamming. Særleg til åringer må ein vera varsam med sterkt fôring dersom ein ikkje veit kor mange foster åringen går med, elles kan åringer få lamningsvanskar på grunn av store lam.

Målet med god fôring i drektigheitstida er soyer i godt hold og tvillinglam med fødselsvekt på 5-6 kg og trillinglam på 4-5 kg (Norsk kvit sau).



Livskraftige lam med passeleg fødselsvekt og soyer i godt hold ved lamming er målet med for god vinterfôring

Fôring etter lamming

Forbehoget aukar dramatisk etter lamming dersom sôya skal mjølke mykje og produsere god tilvekst på lamma. Det er sjeldan ein greier å få i så mykje fôr i sôya at energibehovet kan dekkast fullt ut. Dersom sôya er i godt hold og ein har innfôringsperiode på under 3 veker, kan ein tillate seg at sôya mobiliserer ca 0,3 - 0,5 FEm pr dag frå holdet.

Eksempel:

Dersom ein ynskjer at ei vaksen tvilling-sôye skal ha 300 g tilvekst på lamma sine og grovfôret er hausta ved skyting, kan ein rekne seg fram til kraftfôrbehovet slik:

Produksjon	Behov i FEm
Vedlikehald:	0,9
Mjølkeproduksjon:	1,8
Sum forbeho:	2,7
Energikilde:	Tilførsel i FEm
Holdmobilisering	0,4
Grovfôropptak	1,5
Sum tilførsel:	1,9
Kraftfôrbehov i FEm:	0,8

Tabell 6 Fôrbehov til mjølkeproduksjon

Tal lam	Tilvekst *) g/dag/lam	FEm
1	400	1,2
2	300	1,8
2	350	2,2
3	250	2,4
3	300	2,8

*) Ein kan rekne 0,316 FEm pr 100 g lammetilvekst. I tillegg kjem vedlikehaldsbehovet (sjå tabell 1)

Grovfôropptaket vil gå opp etter lamming fordi fosteret ikkje lenger tek plass i bukhola og vomma vil utvide seg. Høg produksjon stimulerer også til høgt fôropptak

Tabell 7 Sannsynleg grovfôropptak i FEm pr dag etter lamming ved ulik grovfôrkvalitet:

Gruppe sau	Før skyting	Skyting	Blomstring
1-åringar	1,8	1,2	0,6
2-åringar	2,2	1,5	0,8
Vaksne	2,2	1,5	0,8

Overgangsfôring, appetitten til sôya etter lamming

Å omstille sôya frå å melte ein grovfôrbasert fôrrasjon i lågdrektigheitsperioden med berre 0-20 % kraftfôr, til å melte ein rasjon som består av 40-50 % kraftfôr etter lamming, er ein kjempeovergang for sôya. Vommikrobane som skal bryte ned fôret er spesialistar på kvar sine næringsstoff. Dei mikrobane som er spesialistar på å bryte ned lett-meltelege karbohydrat frå kraftfôret må difor få tid til å oppformere seg før lamming. Denne oppformeringa tek 7-10 dagar. Overgangsfôring før lamming er difor viktig både for å venja sôylene til større kraftfôrmengder og for å dekke fôrbehovet til fosterproduksjon. Det er viktig at ein unngår forskifte elles også i samband med lamming. Kraftfôr- og grovfôrslaga ein skal bruke etter lamming skal difor også bli brukt i høgdrektigheitsperioden før lamming.





Tilgang på grovfôr på vårbetet er viktig for å få ein mjuk overgang til vårbete

Bruk av store mengder kraftfôr fører til ein sterk vomgjæring og syreproduksjon i vomma. Søya kan difor vera utsett for å få sur vom og appetitt-svikt. Her er nokre tips for å behalde appetitten til søya:

- Ikkje auk kraftfôret dei fyrtre to dagane etter lamming, deretter ein gradvis auke av kraftfôrrasjonen- feks 0,2 kg pr dag til full rasjon
- Del store kraftfôrrasjonar i mange porsjonar, maks 0,5 kg pr føring
- Sørg for god hygiene på førbrett og i rundballehekkar ved å fjerne gamle fôrrestar

Søyene bør helst ikkje stå inne for lenge etter lamming da dette ofte fører til problem med jurhelse og anna sjukdom. I samband med beiteslepp bør ein også prøve å få til overgangsfôring ved å gje tilgang på grovfôr på vårbetet og trappe gradvis ned på kraftfôr-rasjonen. Dette er lettast å få til dersom ein gjennomfører puljevis beiteslepp på vårbete og ikkje gjev tilgang på alt vårbetet med ein gong. Vårbetet bør vera 5-7 cm høgt ved beiteslepp. Ei soye med to lam vil eta ca 3 kg grastørstoff på beite. For å dekke dette fôrkravet, bør ein ha tilgjengeleg 0,7 –1 dekar (avhengig av vekstvilkår) vårbete pr sau med to lam som skal beite i 14 dagar.

Protein og val av kraftfôrslag

Behovet for protein er oppgjeve i PBV og AAt. PBV syner balansen mellom nedbrote fôrprotein til NH₃ og forbruk av NH₃ til oppbygging av mikrobeprotein i vomma. AAt syner kor mykje protein sauven må suge opp frå tarmen for å få dekt proteinbehovet sitt. Det er praktisk å vurdera proteinbehovet til sauven som AAt/FEm fordi proteininnhaldet i kraftfôr er deklarert på denne måten. Ein kan tillate seg at PBV er litt på den negative sida i den daglege rasjonen da drøftyggjarane kan resirkulere NH₃ gjennom vomvegg og spytt.

Tabell 8: Proteinbehov pr FEm til ulike produksjonar:

Periode	AAt g/FEm	PBV g/dag
Vedlikehald	80	-20
Tilvekst	70-100 *)	-20
Fostervekst	95	-20
Mjølkeproduksjon	100	0

*) Yngre dyr har størst behov for AAT da muskelvekst krev meir protein enn feittavleiring som det stort sett er snakk om på vaksne søyer

Dei fleste grovfôrslag inneheld ca 80-85 g AAt/FEm og dekkjer difor proteinbehovet til sauven i lågdrektigheitsperioden når det stort sett dreier seg om vedlikehaldsfôring. Kraftfôret treng heller ikkje å ha høgare proteininnhald i denne tida dersom ein supplerer med kraftfôr. På grunn av ulike krav til kopparinnhald i kraftfôret til sau og storfe, kan ein ikkje bruke same kraftfôrslag til både desse dyreartane. Dei kraftfôrslaga vi da har å velje i frå Felleskjøpet er Formel sau som har 0,96FEm/ kg, 120 g AAT/FEm og +10 g PBV/ FEm. Dette kraftfôret passar godt i høgdrektigheits- og lammings-perioden. Felleskjøpet har også laga Formel Sau Fiber med 0 g PBV/FEm og 110 g AAT/FEm. Dette kraftfôret passar godt dersom det er nødvendig å føre med kraftfôr i lågdrektigheits-perioden og ein har därleg grovfôr slik at ein må opp i store kraftfôrrasjonar før og etter lamming. I tillegg har Felleskjøpet Formel Lam med 0,92 Fem/kg 110 g AAT/FEm og +10 g PBV pr FEm. Dette er eit fiberrikt kraftfôr spesielt eigna ved appetittfôring av lam ved sluttfôring på hausten.

Mineral og vitamin


Mangel på mineral og vitaminer kan føre til mangelsjukdomar av ymse slag, nedsett appetitt og tilvekst. Grovfôr åleine inneheld som regel ikkje nok mineral og vitamin i høve til behovet til sauven. Kraftfôr er difor tilsett både vitamin og mineral for å bøte på dette. Ein bør ha som regel at alle søyer som får mindre enn 0,3-4 kg kraftfôr, får tilskot av ei allsidig vitamin- og mineralblanding, 15 –30 g/dag. I tillegg skal sauven ha tilgang på saltslikkestein for å dekke behovet for salt.

Vatn

Vassbehovet til søyene aukar utover i drektigheitstida, særleg dersom grovfôret inneheld lite vatn. Uansett vassbehov skal alle søyer ha fri tilgang på vatn av god kvalitet. Drikkekar og drikkeniplar må difor bli sjekka og reingjort med jamne mellomrom slik at dei fungerer som dei skal !

Hold og fødselsvekt er fasiten!

I starten av kvar innfôringssesong bør ein vurdere grovfôrkvalitet og -mengd og legge opp ein plan for korleis ein bør føre sauven. Svaret på om fôrplanen fungerer slik du trur, er å fylge med på korleis holdet på søyene utviklar seg. Dersom soya går for mykje ned i hold, må ein justere planen ved å gje meir grovfôr eller supplere med kraftfôr. Sauven betalar godt for skikkeleg føring!



Holdvurdering:

Rygg

Ta eit godt tak bakerst på ryggen foran krysset og bak ribbeina. Kjenn etter feittlag over ryggraden på torntappane. Torntappane bør vera mjuke og avrunda. Bruk fingertuppene til å kjenna etter feittlag på tverrutvekstane. Desse skal også vera mjuke og godt dekt med eit feittlag.

Halerot

Ta eit godt grep rundt halerota. Det skal vera eit godt feittlag utanpå knoklane

Sida

Sett fingertuppene rett inn i sida og før desse att og fram. Ein vil da kunne vurdera muskel og feitt på ribbeina.



Holdvurdering ved å kjenne på tverrutvekstane og torntappane: For den som vil gå meir systematisk til verks, finst det og eit system for holdvurdering i klasser og tilråding for kva holdklasseøyene bør vera i til ulike tider.

Holdvurdering i klasser



Klasse 1: Tverrutvekstane og torntappane er skarpe og fingrane kan lett trykkast inn under tverrutvekstane. Ein kan lett kjenne kvar kvar einskild tverrutvekst. Sadelen er tynn og utan feitt.



Klasse 2: Torntappane er mjuke og avrunda og kan berre kjennast som forhøyningar. Tverrutvekstane er og mjukare, men det er framleis mogleg å pressa fingrane under dei. Sadelen er middels stor med eit lite feittlag.



Klasse 3: Torntappane er mjuke og avrunda og knoklane kan berre kjennast ved trykk. Tverrutvekstane er også mjuke og godt dekt med eit feittlag. Ein må pressa hardt med fingrane for å kjenna beinendane. Sadelen er velutvikla med eit middels feittlag.



Klasse 4: Ein ser berre ryggraden som ei line og ein kan ikkje kjenne tverrutvekstane. Sadelen er velutvikla med eit tjukt feittlag.



Klasse 5: Torntappane kan ikkje kjennast sjølv med trykk og det er ei dump i ryggen mellom feittlagene der som ryggen er. Sadelen er velutvikla med eit tjukt feittlag over

Periode	Tilrådd holdklasse gjennom året
8 veker etter lamming - paring	Stigande hold opp til klasse 3,5
Paring - lamming	Stabilt hold i klasse 3,5 - 3
Lamming - 8 veker etter lamming	Maksimum nedgang i hold til klasse 2



Fôring av lam

Lamma hentar mesteparten av føret sitt gjennom mjølk frå mora og beite frå innmark og utmark. Når tilgangen på beite og morsmjølk er for liten til at vi oppnår den tilveksten på lamma som vi ynskjer, er det aktuelt å supplere med anna mjølkefôr og kraftfôr. Ein kan også ta lamma frå mora og føre dei vidare på mjølkeerstatning, kraftfôr, grovfôr og beite. Prisforskjellen mellom mjølkeerstatning og kraftfôr er stor (10-12 kr pr FEm.) Ein bør difor bruke mest mogleg kraftfôr, grovfôr og beite og minst mogleg mjølkeerstatning i oppdrettet av overskotslam for å få økonomi i denne produksjonen. På hausten etter sinking er det meir og meir vanleg å sluttføre lam som ikkje er slaktemogne med beite og/eller kraftfôr. Her får du gode råd om fôring av lam om våren, både som overskotslam og om du ynskjer å støtteføre lamma medan dei går saman med mora. Du finn også stoff om korleis du skal sluttføre lam som ikkje er slaktemogne ved sinking. Vil du veta meir om fôring av lam; besøk medlemsportalen til Nortura medlem. Her har sau sine eigne heimesider med mykje godt fagstoff <http://medlem.nortura.no/smaafe/>. Du kan også kontakte rådgjevarane til Nortura.





Utvikling av fordøyelseskanalen til lammet

Ved fødselen er lammet nærest å rekne som eit einmaga dyr, med relativt stor løypemage og lita vom. Lammet må difor få tid til å utvikla vomma og den mikrobielle fordøyelsen som gjer at lammet

greier å nytte fiber-delen av grovfôr og kraftfôr som fôr. I starten er difor lammet avhengig av å få høgverdig næringsemne som morsmjølk eller mjølkeerstatning for å få nok næring. Lammet må dessutan alltid få rikeleg med råmjølk så raskt som mogleg og seinast innan 4-5 timer etter fødselen på grunn av at råmjølka inneheld immunstoffs som lammet er avhengig av. Evna til å ta opp immunstoffs fra råmjølka avtek raskt etter fødselen.

Utviklinga av drøvtyggjarmagen skjer gradvis og blir påverka av kva fôr ein gjev lammet. Tidleg tilgang på kraftfôr eller ung beitegras gjer at vomgjæringa kjem i gang. Dei flyktige syrene som er produktet av vomgjæringa, stimulerer utviklinga av dei såkalla vompapillane og veksten av vomma. Vompapillane er viktige for at vomveggen skal kunne suge opp dei flyktige syrene som er viktige næringsemne for dyret. Lamma kan gjerne få høy eller godt surfôr, det verkar godt diettisk.

Dersom eit lam berre får tilgang på mjølk og mjølkeerstatning, vil utviklinga av vomma bli hemma. Vi bør difor stimulere til ei tidleg utvikling av vomma. Lammet vil da utvikle seg til å bli ein drøvtyggjar alt ved 3-4 vekers alder og kunne nytte grovfôr, kraftfôr og beite som fôr. Vomma vil vera fullt utvikla etter ca 8 veker.



Overskotslam

Overskotslam er eit lam som ikkje får nok mjølk frå mora slik at dei blir tekne frå mora i ung alder og føra fram på mjølkeerstatning, kraftfôr, grovfôr og beite.

Fyrst må overskotslammet få rikeleg tilgang på råmjølk frå sau, helst frå mora dvs 1,5 til 2 dl når dei er fødde og ca 1 liter råmjølk det første døgeret for eitt 5 kg's lam. Ta bort lammet når det har gått med mora i ca 1 døgn. Ein kan så gå over til fri tilgang på mjølkeerstatning. Som før nemnt, vert mjølcefôring dyrt og ein bør avvenne tidleg. For å få til det, er det viktig at kopplamma får tilgang på kraftfôr så tidleg som råd i tillegg til mjølkeerstatning. I starten vil lamma ta til seg svært lite kraftfôr. Ein bør difor skifte ut kraftfôret kvar dag, elles blir kraftfôret fuktig, surt og lite smakeleg. Ein kan avvenne lamma ved ca 30 dagars alder og ca 15 kg's levandevekt (vurder både alder og vekt når det er fornuftig å avvenne). Lamma skal da vera godt i gang med å eta kraftfôr. Det er best at lamma får ei gradvis avvenning frå mjølkeerstatning. Felleskjøpet tilrår denne metoden: Fri tilgang på mjølkeerstatning i 14 dagar, 0,5 liter 2 gonger for dagen i veke 3 og 0,5 liter ein gong per dag i veke 4. Det er også mogleg med brå avvenning, men da kan lamma stagnere meir. I tillegg må lamma ha fri tilgang på kraftfôr og godt grovfôr.

Før avvenning bør ein bruke eit kraftfôrslag som er tilpassa unge drøvtyggjarar, feks FORMEL Kalv eller Formel mysli. Ein bør unngå å skifte kraftfôr i samband med avvenning. Ein bør difor fortsetja med kalvekraftfôr til lammet er ca 8 veker (15-20 kg) og lammet blir slept på beite. Etter dette er fleire kraftfôrslag aktuelle. Formel lam høver godt ved sterk fôring da dette kraftfôrslaget spesielt er tilpassa drøvtyggjarar med høg andel kraftfôr i rasjonen. FORMEL Sau er meir proteinrikt, men her må ein passe på at lammet elles får nok struktur i fôrrasjonen da denne kraftfôrtypen ikkje inneholder spesielt mykje fiber. Lamma må difori tillegg få grovfôr av god kvalitet med litt struktur.

Etter avvenning må ein rekne med at lamma byrjar å ta større mengder med kraftfôr. Ein kan da avpasse kraftfôrmengda etter kva tilvekst ein ynskjer og kva tilgang ein har på grovfôr og beite. Har du mykje gode sommarbeiter du ynskjer å bruke, kan det vera aktuelt å avgrensa kraftfôrrasjonen til feks 0,5-0,6 kg pr dag. Ein må da dele kraftfôrrasjonen i minimum to mål om dagen. Da vil lamma ta meir beitegras og du får ei billegare fôring. Har du veldig gode sommarbeite som blir pussa og stelt, kan overskotslam få god tilvekst utan bruk av kraftfôr. Godt raigrasbeite kombinert med



Overskotslam må få rikeleg tilgang på råmjølk



Overskotslam på mjølkeautomat



Overskotslam på raigrasbeite



Kraftfôrautomat på vårbete

litt kantvegetasjon har i forsøk gjeve ca 300 g tilvekst per dag. Har du avgrensa med gode beiter og du ynskjer høg tilvekst, er appetittfôring med kraftfôr frå ein kraftfôrautomat aktuelt. Det er viktig å passe på at automaten ikkje går tom da lamma har lett for å forete seg ved påfylling av nytt kraftfôr. Ein må rekne med eit kraftfôrforbruk på over 1 kg per dag per lam, men tilveksten kan bli over 400 g/dag.

Skal kopplamma bli gode beitedyr, bør dei gå saman med ei eller to vaksne søyere med eller utan lam alt medan dei er inne. Søyene skal sleppast saman med kopplamma på beite for å lære dei god beiteadferd.

Støttefôring om våren

Med støttefôring av lam meiner vi lam som går saman med søya, men får tilgang på kraftfôr i tillegg til morsmjølk, grovfôr og beite.

Ein bør ha som mål at tilveksten på alle lam skal vera over 300 g/dag frå fødsel til vårveging. Søyere med tre lam og åringer med to lam har ofte for lite mjølk til at lamma får tilfredsstilande tilvekst. Høg tilvekst om våren gjev betre tilvekst på sommarbeite og betre kjøtfylde på lamma. Fleire lam vil difor vera slaktemogne tidleg på hausten og oppnå betre klassifisering og pris. Også for søyene vil støttefôring vera gunstig fordi lamma ikkje går så hardt på juret slik at det blir jurbetennelse. Arbeidsmessig og etisk er dette eit godt alternativ til å føre fram overskotslam fordi lamma heile tida går saman med søya.

Støttefôring er spesielt gunstig dersom våren er sein og ein får lang innefôring og knapt med vårbeite. Når våren er tidleg, kan det likevel vera aktuelt å støttefôre for å sikre seg at alle lam er i god vekst og stand når dei blir slepte på utmarksbeite. Ein kan da

halde søyere med tre eller fleire lam og åringer med to lam heime litt lengre enn resten av flokken.

For å lykkast med støttefôring, er det også her viktig at lamma får tidleg tilgang på kraftfôr. I innefôringstida bør ein difor lage seg eit lammegjømme der lamma får tilgang på kraftfôr og høy av god kvalitet. I den fyrste tida bør ein skifte ut kraftfôret kvar dag slik at kraftfôret alltid er ferskt og smakeleg. Fyrst ved 3-4 vekers alder vil lamma byrje å ta større mengder med kraftfôr.

Søyere med lam som skal ha støttefôring, må få eit beite for seg sjølv. Kraftfôrautomaten bør plasserast på ein stad der søyene passerer ofte, helst på ein naturleg kvileplass. Automaten bør ha justerbare etepningar mot fleire kantar og den bør vera utforma slik at lamma ikkje forureinar kraftfôret.

Kraftfôr som skal brukast bør vera smakeleg og proteinrikt. FORMEL Lam vil difor høve godt. I praktisk utprøving med støttefôring til trillinglam med to veker innefôring og ca 1 månad vårbeite har ein oppnådd dette resultatet:

Alle lamma som fekk støttefôring var slaktemogne ved haustveging, medan lamma som ikkje fekk støttefôring måtte fôrast utover hausten for å bli slaktemogne.

Sluttfôring av lam som ikkje er slaktemogne om hausten

Det vil alltid vera ein del lam som ikkje har ynska vekt og hold ved vanleg slaktetid om hausten. Desse bør ein sluttføre for å oppnå betre vekt, klassifisering og pris på lammet. Kva sluttfôringsmåtar ein bør satse på, varierer med kva tilvekst ein ynskjer og kva forgrunnlag ein har. Har ein rikeleg med gode håbeite og/eller grønnfôrvekster som raps og raigras, er det godt mogleg å få til bra tilvekst utan bruk av kraftfôr:

Tabell 1 Verknad av støttefôring på tilvekst om våren og haustvekt

	Tilvekst fødsel/vårvekt g/dag	Haustvekt kg 20/9	Kraftfôrfor- bruk, kg pr lam
Med støttefôring	397	54	7,5
Utan støttefôring	318	46	

Tabell 2: Forventa tilvekst på ulike haustbeite

Beitetype	Fôroptak FEm	Forventa tilvekst g/dag
Godt håbeite	1,2	250-270
Raps/raigras + hå	1,5	380-400

Dersom ein ikkje har rikeleg tilgang på slikt beite, er sluttfôring der ein gjev kraftfôr i tillegg til grovfôr/beite eit godt alternativ. Ein kan styre tilveksten med kor mykje kraftfôr ein gjev. Mange ynskjer ei rask sluttfôring for å vera kvitt sluttfôringsslamma før livsauen skal i hus. Fare for brunstsmak på vêrlam, lågt fôrforbruk pr kg kjøtt og betre slaktekvalitet talar også for ei rask sluttfôring, spesielt når det gjeld verlamma. Ynskje om å levera lam utanom sesong til spesielle varestraumar, gjer det aktuelt med ein stort sluttfôring av lam. Ein kan bruke tabell 3 som utgangspunkt for kraftfôrtildelinga i sluttfôringssperioden ved ynskje om stort tilvekst. Søyelam passar best til slik sluttfôring.

Tabell 3: Forventa tilvekst ved ulike mengder ved kraftfôr ved sluttfôring av lam

Planlagt tilvekst g/dag	Kraftfôr kg/dag	Grovfôr
100 g/dag	0,2 kg	Godt grovfôr etter appetitt dvs velberga før hausta ved byrjande skyting
200 g/dag	0,6 kg	
300 g/dag*)	0,9 kg	
400 g/dag eller meir*)	Etter appetitt frå kraftfôrautomat	

*) Det er viktig å fylge med på at lamma ikke blir for feite ved intensiv sluttfôring, spesielt søyelamma er utsett

Ved intensiv sluttfôring av lam vil Formel Lam vera det kraftfôrslaget som høver best. Andre kraftfôrslag kan også brukast, men da må ein i tillegg ha eit godt grovfôr og syte for ei forsiktig overgangsfôring. Ved meir ekstensiv sluttfôring kan ein bruke same slags kraftfôr som resten av flokken, gjerne FORMEL Sau.

Dette er viktig når du skal sluttfôre lam:

- Innvortes parasittar

Dersom du har problem med innvortes parasittar på utmarksbeite, bør lamma bli behandla før du byrjar å føre på lamma om hausten. Spør veterinæren om råd.

- Pulpanyre

Sjukdommen pulpanyre skuldast giftstoff frå ei ein bestemt type bakterie. Bakteriane finst også i tarmen hjå friske dyr, men vil oppforneire seg når dyret får særskilt næringstilførsel, gjerne i samband med omlegging av føringa ved at før som ikkje er melta passerer vomma og over i løypemagen. Lam som blir sett på store kraftfôrrasjonar, kan difor vera utsett for pulpanyre. Drøft evt. vaksinering med veterinæren. Dersom ein vaksinererøyene på våren og lamma får rikeleg med råmjølk, skal lamma vera beskytta mot pulpanyre i 2-3 månader. Det bør difor ikke vera nødvendig å vaksinere kopplama. Dersom soya ikke er vaksinert, bør kopplamma bli vaksinert 1. gong ved 2 vekers og 2. gong ved 6-8 vekers alder. Lam som blir sett på kraftig håbeite om hausten kan også vera utsett for pulpanyre. Får dei kraftfôr/grønfôr i tillegg, er risikoendan større. Desse bør difor bli vaksinerte så snart som råd. Ein har ikke verknad av vaksinen før etter ca 14 dagar. Ein bør difor starte gradvis med kraftfôret og vente ca 14 dagar før ein er oppe i full kraftfôrrasjon. Dette førebygger både mot appetittsvikt og pulpanyre.

- Urinstein

Urinstein er ei særskilt smertefull tilstand hjå lam. Både kjønn er utsette, men særleg hjå vêrlam kan det føre til blokkering av urinstrumen, store smerter ved vasslatinga og i verste fall urinforgifting med dødeleg utgang. Urinstein oppstår dersom det er ubalanse i mineralforsyninga. Eit viktig førebyggande tiltak er å syte for at førrasjen har høgt kalsium/fosfor-forhold dvs 2:1. Ein bør difor vera ekstra merksam på mineralforsyninga når ein bruker kalsiumfattige førvarer som bygg, havre og avfallsbrød. Formel lam har gunstig kalsium/fosfor-innhald. Eit anna førebyggande tiltak er å stimulere til høgt vassinntak. Ein må difor syte for at lamma har tilgang på saltslikkestein og rikeleg med vatn av god kvalitet.

- Sur vomgjæring (acidose)

Sur vomgjæring (acidose) oppstår dersom det er for mykje lettfordøyelige næringsstoff i rasjen. Acidose fører til appetittsvikt hjå lammet. Førebyggande tiltak er å syte for gradvis opptrapping av kraftfôrrasjonen over eit par veker og dele kraftfôret opp i minimum to rasjonar. Ved appetittfôring med kraftfôr er det mindre risiko for acidose fordi lamma vil ta opp mindre mengder kraftfôr om gangen.

- Koparforgifting

Koparforgifting er mest vanleg i innlandet, og intensivt fôra lam er meir utsett enn meir ekstensivt fôra dyr. Ein bør difor unngå koparhaldige mineralblandingar og saltslikkesteinar når ein er redd for koparforgifting.

- Unngå feittrekk

Ved intensiv sluttfôring kan lamma lett få feittrekk om ein ikkje passar på. Spesielt søyelamma er utsette for feittrekk fordi dei har mindre tilvekstevne enn vêrlamma. Slaktestatistikken syner at søyelamma når ideell feittgruppe (2.-2,2+) ved ca 1,5 kg lågare slaktevekt enn vêrlamma. Dersom vi går ut i frå ein slakte % på 40 på vêrlamma og 42 på søyelamma, betyr det at søyelamma er slaktemogne ved ca 5 kg lågare levandevekt enn vêrlamma.



Lam på intensiv sluttfôring inne på kraftfôr frå kraftfôrautomat og godt surfôr



Grovfôranalyser

Kvifor bør ein ta ei grovfôranalyse?

Ei analyse av grovfôret er eit godt hjelpemiddel for å oppnå rett fôring. Når du veit innhaldet av energi, protein og fibermengde i grovfôret, har du eit langt sikrare utgangspunkt for å tildele sauens rett mengde kraftfôr og å velje eit kraftfôrslag som utfyller grovfôret ditt best. Sauen får da nok energi og protein til å produsere godt og passeleg fibermengde i rasjonen slik at vomma fungerer optimalt. Du kan difor fort tene inn kostnaden med å ta ei grovfôranalyse gjennom rettare fôring.

Uttak av grovfôranalyser:

Surfôr av rundballar

Ved prøveuttak frå rundballar, er det ein fordel om ein har tilgang på prøvebor. Da kan ein ta ut 2-3 stikk i 2-3 rundballar og blande prøva godt. Frå rundballar er det ein fordel å ta prøve både øvst/nedst og ytterst/innerst i rundballen fordi tørrstoffet kan variere.

Utan prøvebor kan ein ta prøve over tid. Ved opning av ny rundball kan ein ta ut ein del prøve, fryse denne ned og ta ut meir prøve ved opning av neste rundball. Slik kan ein få samla ei prøve frå fleire rundballar.

Surfôr frå tårnsilo/plansilo

Ved uttak av surfôr frå tårn/plansilo bør ein ta ut 5-7 stikk med prøvebor forskjellige stader i siloen, blande surfôret i ei bøtte og ta ut prøva frå bøtta. Utan prøvebor kan ein ta ut prøve for hand. Ta bort det aller øvste laget, ta ein neve her og der i siloen. Det kan også vera ein fordel å ta prøve over fleire dagar.

Høy

Når ein skal ta ut prøve av høy, bør ein også syte for å ta ut prøver frå fleire stader i høypartiet. Pressa buntar må opnast før uttak. Ta ut ca ein halv berepose.

Kor stor prøve bør du ta?

Direkte hausta surfôr:	1,5 – 2 liter
Fortørka surfôr:	1,5-2 liter
Høy:	ca 5 liter

Alle grovfôrslag skal pakkast i tette plastposar for å unngå lekkasje og endring i tørrstoffprosent. Plastposen bør vera gjennomsiktig slik at prøva kan vurderast før vidare behandling. Ein kan også

bestille standardemballasje for grovfôrprøver frå dei som analyserer grovfôr, for eksempel Eurofins i Moss. Epost: grovfor@eurofins.no eller tlf: 945 04 278. På <http://www.eurofins.no/vare-tjenester.aspx> under landbruk finn du meir informasjon om uttak og prisar for ulike grovfôranalysar, og korleis du skal tolke analysesvar.



Det er viktig at sauebonden gjer ei grundig vurdering av grovfôrkvaliteten

Viktige analyseverdier å vurdere for ein sauebonde:

Analyseverdi	Kva kan analyseverdien brukast til å vurdere?
FEm	Er dette høg- eller lågenergifôr? Bør det brukast medan sôya er lågdrektig eller rundt lamming? Kor mykje energi et sauene?
Tørrstoff %	Kor mykje fôr har eg på lager? Er pH rett i forhold til kor tørt føret er?
PBV	Får sauens nok nedbrytbart protein i vomma, kva kraftfôrslag bør eg velje?
AAT	Får sauens nok utnyttbart protein i tarmen?
Mjølkesyre/Eddiksyre Ammonium-N	Korleis er gjæringskvaliteten på føret, kor smakeleg er det?
NDF, fiber	Får sauens tilstrekkeleg mengde fiber i totalrasjonen slik at vomma fungerer godt? Kor mykje er det sannsynleg at sauens vil ete av dette føret?

